



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm VII. Ad aures.

[urn:nbn:de:hbz:466:1-62559](#)

non satis apparere, quid agendum est; cum diuersa, & in speciem contraria responsa legantur: Quare ad dubitationem istam tollendam, statuit Papa: Ut talibus dicto modo se excusantibus, Clerici inferiores, qui digni sunt, ut ascendant, præferantur in dignitatibus, & beneficijs ecclæsticis: Illis vero alijs etiam auferantur beneficia, quæ possident: nisi seruitijs suis valde viles ecclesiæ existant. Quod si autem nulla prætensa impedimenta excusatione, pro sola voluntate sua ordinari recusent, cum tamen ecclesiæ utilitas, aut necessitas postulet, ut ordinentur, tum per beneficiorum subtractionem, a millionemque, omni remota appellatio ne compellantur.

S V M M A R I V M .

1. In duobus casibus potest Episcopus compellere beneficiatos, ut ad altiorem ordinem ascendant.
2. Quod si in alterutro casu beneficiatus monitus prætendat impedimentum irregularitatis vel censuræ ex occulto crimine contrarium, beneficio priuandus est, si absolute recuset sacri Ordinis susceptionem.

Hoc responsum Alexandri intelligi debet in ijs tantum casibus, quibus Episcopus compellere potest beneficiatos, ut ad ordinem altiorem ascendant. Hi autem sunt duo: Primus, si beneficium annexum habeat ordinem sacrum, seu potius obligationem suscipiendo ordinis sacri intra annum. Tunc compellendi sunt, in primis per subtractionem distributionum quotidianarum, iuxta Clem. 2. hoc tit. Deinde per subtractionem reddituum beneficialium, vel partis eorum, denique per priuationem, ut ex hoc textu colligitur.

Alter casus. Si beneficium non habeat annum sacrum ordinem, tamen ecclesiæ utilitas seu necessitas v.g. Ministerorum penuria postulet, ut beneficiatus sacrum ordinem accipiat, iuxta c. si qui, & c. placuit, d. 74. Quod si vero beneficiatus ab Episcopo ex una harum causarum monitus, prætendat impedimenta

tum irregularitatis, aut censuræ ex occulto crimine contractum; tum remouendi sunt, seu beneficijs priuandi. Quod intelligo, si simpliciter renuant sacri ordinis susceptionem: Secùs si non simpliciter, sed ad tempus sperantes se breui impetraturos dispensationem super defecū, tum illistempus constitui poterit, intra quod sublatu impedimento promoueantur, iuxta ea quæ suprà dixi hoc tit. c. 1.

Excipitur vero: Nisi tales beneficiati in suo seruicio, quod ecclesiæ præstant, valde utilites sint, tum tolerari posse. Quæ tamen exceptio iure novo circa beneficia, quibus sacer ordo annexus est, locum non habet, ut colligitur ex cit. Clem. 2. Vt ij, & in Trident. Ses. 7. c. 12. de reform. vbi prohibetur, ne facultates de non promouendo, seu altiorena ordinem non accipiendo beneficiatis ultra annum non prorogentur.

Porr̄d, si beneficia ecclæstica, neque propria institutione, aut fundatione, neque speciali canonum constitutione ordinem altiorem requirant, neque item ecclesiæ necessitas promotionem postulet, tum canonica regula c. gesta, c. vbi ista didicisti, &c. Honoratus, d. 74. adhuc hodie locum habere debet, quod nemo inquit ad superiorum ordinis gradum promoueri debet. Sed hoc agat Episcopus, quod antea Gelasius Papa consuluit in c. vlt. ead. d. Si propter Ecclesiæ utilitatem cupiat beneficiatos ad altiores ordines ascendere, promoueat Acolythus seu in minoribus cōstitutos, si digni sunt, usque ad sacerdotium, ut sic præferantur alijs in sessionibus, ac præbendarum commodis, iuxta c. statuimus, i. 5. de maior. & obed. Hac ratione allicantur & alij ad ascensum.

C A P I T U L U M VII.

Ad aures.

P A R A P H R A S I S .

Canonicus quidam proposuit Clementi III. Pontifici, Cùm ipse medicinæ peritus sit, pluribus secundum artis præscripta me-

V u u dica-

dicamenta præbuisse, eum diligentia; sed sæpius male successisse: quia ex medicinis, quibus homines sanare volebat, aliqui mortis periculum incurserunt: Quærebat, utrum nihilominus ad sacros ordines promoueri posset. Respondet illi Pontifex: Si conscientia in his te remordet, de consilio nostro ad ordines maiores ne ascendas.

SUMMARIUM.

1. Medicinae peritus, & secundum regulas artis operatus, ob euëcum mortis infirmi, non incurrit irregularitatem.
2. Incurrit autem clericus in maioribus, & Religiosis, si artem chirurgicam exercet, & per incisionem vel adustionem mors vel mutilatio (et si casu, & omni adhibita diligentia) sequatur.

Contra hanc Clementis respondionem obiicitur: Ex homicidio casuali, & omnino inculpati non incurritur irregularitas: Atqui homicidia ista, si ex medicinis fecuta sunt, omnino casualia & inculpata fuerunt. Ergo Canonicus illi nullus irregularitatis scrupulus iniiciendus fuit. Maior est certa ex c. latere, 9. de homicidio, & docuilib. 3. tr. 3. p. 3. c. 10. assert. 1. Minor constat ex l. illicet, §. Sicuti, ff. de offic. Præsidis. Nam ad officium seu obligationem Medici agros carantis plus non requiritur, quam ut in arte peritus ac versatus sit, nam imperitia culpæ annumeratur in ijs, qui ut periti operam suam promittunt, si quis domum, 9. §. Celsus, ff. locati) & ut secundum artis regulas, adhibitæ diligentia, operetur. Quod si nihilominus euentus insfelix sequatur, id Medico imputari non potest, sed casui & fortunæ. Quamobrem Galenus dixit, Medicum fortunatum esse oportet; quia in particulari ob varia adiuncta multa incident, quæ neque à prudentissimo præuideri possunt. Respondeo: Si Canonicus ille in minoribus constitutus, medicinæ peritus fuit, & secundum regulas artis operatus, irregularitatem timere non debuit, sicuti etiam Innoc. hic notauit. Quamobrem neque Pontifex illi absolutè

præcepit, ut à sacris ordinibus abstineat. Ceterum suspicatus fuit Pontifex, non omnem culpam abfuisse: eam maximè ob causam, quia ad Clericos beneficiatos, quamvis in minoribus tantum constituti sint, non pertinet artis medicæ, aut chirurgicæ exercitium, nisi necessitas aut pietas in aliquo casu subsumendum à Clerico exigat, vt docet Nauar c. 15 man. n. 1. o. Cum igitur Canonicus ille operam dederit rei illicitæ, sibi que prohibita, & facta fuerit sæpius ex medicinis suis hominibus mortis pericula generatum fuisse; non credebatur simplici & non probata eius assertioni, quod & artis peritus esset, & cum omni diligentia operatus. Sed potius præsumptio fuit contra hominem, quod latenter leuis seu venialis negligenter & culpa commissa fuerit. Ea autem sufficere deberat irregularitatem ex secuto homicidio comprehendam, si quis operam dedit rei fibi prohibita, secundum probabilem DD. sententiam, quam tradidi eod. c. 10. assert. 3. dicendo 2. Ceterum Clericis in maioribus, atque Monachis seu Religiosis exercitium artis chirurgicæ per incisionem vel adustionem seuerius prohibitum est, adeo ut si mors, aut mutilatio exinde secuta sit, quamvis casu & omni adhibita diligentia, irregularitas contrahatur, iuxta c. sententiam, ne Clericis vel Monachi, & dixi cit. c. 10. assert. 2. Videri potest Hostiensis hoc tit. n. 4.

CAPITULUM VIII.

Cum bonæ.

PARAPHRASIS.

Clemens III. citarat ad se Clericos quosdam Baranensis Ecclesæ, ut responderent ad obiecta Archidiaconi sui, quem graueriter quererant: Cum autem illi accedere contemnerent, suspensionis sententiam in eos promulgavit: In qua illi censura triennio permanentes, etiam beneficia ecclesiastica interim consecuti sunt. Sed dubitatum postea fuit, an ea beneficia retinere possent. Ad id respondebat Cœlestinus III. Successor